

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126133](#)

Deminica XXIV. post Trinitatis.

504

pœnâ infernali prædicari sinit, pro fabulâ
habet.

Hic audimus, quod cùm Christus tibi-
cines & turbam tumultuantem recedere
jussisset, quod non mortua sit puella, sed
dormiat, ipsum deriserint.

De his illoribus S. Petrus prædixit,
quod in novissimis diebus multi venturi
sint, dicentes: Ubi est promissio & ad-
ventus ejus? 2. Petr. 3. v. 3.

Cum Paulus Athenis coram Epicureis
& Stoicis Philosophis de mortuorum re-
surrectione dissereret, pro verborum semina-
tore eum habebant, A&t. 17. v. 18.

Sic Festus, Romanus Præses, Paulum
de justitiâ & castitate, & de judicio futuro
dictûrum interpellabat, magnâ voce cla-
mans: Insani Paule: Multe te literæ ad
insaniam convertunt, A&t. 26. v. 24.

Eiusmodi sycophantatum plurimi ho-
dietenus inveniuntur, qui neque resurrec-
tionem mortuorum, neque judicium, ne-
que infernum credunt: ideo incitato cursu
ad infernum in lata illa viâ feruntur, Matt.
7. v. 13. Ecclesiasten, qui de his fidei articu-
lis verba facit, in canticum oti sui vertunt,
Ezech. 33. v. 31 dicentes: Ecce, gaudium &
lætitia, occidere vitulos, & jugulare arietes,
comedere carnes & bibere vinum, Esa. 22.
v. 13.

Vetûm quid Christus dicit? Vx vobis,
qui ridetis nunc, quia lugebitis, & flebitis,
Luc. 6. v. 25. Contendite intrare per angu-
stam portam, Luc. 13. v. 24, aliquando, nisi
hoc fecerint, aliam cantilenam ingemina-
bunt, dictu[m] montibus: Cadite super nos,
& collibus, operite nos, Apoc. 6. v. 16.

Qui igitur nocet, noceat adhuc: & qui
in sordibus est, sordescat adhuc: & qui

justus est, justificetur adhuc. Ecce venio
citò & merces mea necum est, reddere
unicuique secundum opera sua, ait Serva-
tor Apoc. 22. v. 11. Ibi qui seminaverit in
carne sua, de carne & metet corruptionem;
qui autē seminaverit in Spiritu, de Spiritu
metet vitam æternam, Gal. 6. v. 8.

Seminate proinde vobis in justitiâ, vos
mei! & metite misericordiam, arate vo-
bis arationem: donec veniat, qui docebit
vos justitiam, Os. 10. v. 12. ibi exultantes
venietis, portantes manipulos vestros,
manipulos immortalitatis, manipulos An-
gelice claritatis, & manipulos æternæ glo-
riæ, Psal. 126. v. 6.

De Secundo.

S Equitur Medela, quæ fluit

I. Ex Christi obsequio, quo Principem
Synagogæ prosecutus est. Non enim du-
ris verbis ipsi responderet, ut Regulo, Joh. 4.
v. 48, sed ad preces ejus continuò surgit &
sequitur eum.

Coram mundo Præceptores qui Scho-
lis præsunt, in parva auroritate sunt, & va-
riis lèp̄ ignominiosis epithetis, qualia sunt
Schulsuchs / Kalmeusser / Blackschmeis-
ser &c. insigniuntur, sicut & pueri Bethu-
lienses Prophetæ Eliseo illudebant, dicen-
tes: Adscende calve, adscende calve! 2.
Reg. 2. v. 24. 25.

Verûm Christus multò aliter ergâ eos
affectus est, & ubi functioni sua, in quâ ab
illo collocati sunt, fideliter præfuerint, ma-
jora illis concrediturus est, dicens: Euge
bone servé! Matth. 25. v. 23.

Scholæ seminaria Reip. & officinæ pie-
tatis sunt, sine quibus neque Respublica
neque

neque Ecclesia florere & propagari posset. Malè enim vivitur, si Deo non benè creditur, ut Augustinus dixit. Hic Timotheus doctus est lacras literas, 2. Tim 3.v.15. hīc Paulus eruditus accuratē in paternā lege, Act. 22. v.3.

Non igitur contemnendi, non in inopia relinquendi sunt Scholarum Præceptores, in labore sancto illi occupati sunt, qui validè Deo placet. Pueri enim ipsi grati sunt, è quorum ore perfecit sibi robur, Psal. 8.v.3.

II. *Ex mortis titulo.* Puella enim, ait Servator, non mortua est, sed dormit. Hic stylus est curiaæ divinæ, italoquitur Deus de abitu fidelium suorum; dormies cum patribus tuis, ait Nathan ad Davidem, 2. Sam. 7. v.12. & defuncto illo dicebatur de eo: Dormivit David cum patribus suis, & sepultus est. Vide Dan. 12. v.2. Joh. 11. v.11. Act. 7. v.60. & passim.

Verùm hoc cum grano salis intelligendum. Non mors somnus est ex seipso, quomodo oculis corporalibus inspiciunt: sed potius φοβερῶν φοβερῶτας, ut Aristoteles eam appellat; stipendum peccati, Rom. 6. v. 23. ultimus inimicus, 1. Cor. 15. v.26. amara mors, Sir. 41. v.1.

Non somnus est peccatoribus, qui sine pœnitentiâ discedunt, Dominus enim juravit in ira tua, quod non introituri sint in requiem suam, Psal. 95. v.ult.

Non somnus est, quod animam concernit, ut nonnulli olim delirarunt, qui animas defunctorum peculiari loco asservari, ubi Deum non videant, sed usque ad diem novissimum dormiant, somniarunt. Piorum enim animæ portantur ab Angelis in sinum

Abrahæ, ubi dulcissimo solatio reficiuntur, Luc. 16. v.25.

Sed de corpore id intelligitur, quod in sepulchro quiescit, & die ultimo virtute Resurrectionis Christi resuscitabitur, quando nimis Dominus in voce Archangeli, & in tuba Dei descendet de cælo, 1. Thess. 4. v.16.

Sicut igitur naturalis somnus medicamentum fatigationis est, ut Augustino dicitur, quā membra defessa vicissim reficiuntur: Eodem modo mors pios in dulce refrigerium perfert, ubi laboribus vocationis soluti, Luc. 2. v.29. non amplius temporaliū curam agunt, sed in manu Dei conclusi, Sap. 3. v.1. requiescent à laboribus suis, Apoc. 14. v.13.

Denus verò operam, ut verâ fide Christo adhærescamus, quamdiu in hoc mundo vivimus, juxta admonitionem ejus vigilantes & orantes, ne in tentationem incidamus, Marth. 26 v.41. Ut enim veteres dixerunt: Sciendum est, illos solos dormire post mortem, qui dum viverent, vigilarent, h. e. qui cum prudentibus virginibus lampades suas exornarunt, iisque Christum sponsum cum desiderio præstolati sunt, Marth. 25. v.7. hoc modo mors minimè pertimescenda est. Justus enim in morte quoque sperat, Prov. 14. v.32.

III. *Ex resuscitationis miraculo.* Postquam enim tibicinescum turba expulerat, affluitis Petro, & Johanne & Jacobo, ut & parentibus puellæ, tenuit manum puellæ, & ait illi: Talitha cumi, quod est interpretatum: Puella, tibi dico, surge, ut Marcus testatur. Et confitit surrexit puella, quam restituit parentibus suis.

Die ultimo similiter omnes qui in pul-
f ss vere

vere terræ dormiunt, & requiescent, manu sua miraculosa vivificabit, ut vivamus in conspectu ejus, Ose. 6. v. 2.

Recordamini igitur manus hujus præpotentis, vos mei; quando liberi, conjuges amici & cognati, morte temporali aliquantò marurius ex hac vitâ præcipiuntur. Non illi verè obierunt, sed requiescent, manus Christi custodit ossa illorum, Psal. 34. v. 21. manus Christi quoque eosdem resuscitat die extrema, & animam cum corpore adeò arctè redunabit, ut iadissimiles viæturi sint in æternum, 1. Thess. 4. v. 17.

Exultemus hinc exanimo, & optimi! Propter peccata omnibus nobis moriendum; Verùm mors non est interitus, sed qui morte nos avocat, aliquando quoque clamabit: Revertimini filii hominum, Psal. 90. v. 4. Mors enim per Christum aculeum suum amisit, 1. Cor. 15. v. 55. nec nos in sepulchro retinere valeret, ut nec Ballena Jonam, Jon. 2. v. 11. sed promovet nos potius ad vitam immortalem, ut terrestre hoc habitaculum deponamus, 2. Cor. 5. v. 1. & in corporibus clarificatis prodeamus, splendentes ut splendor firmamenti, Dan. 12. v. 3. & tanquam Sol in Regno Patris, Matth. 13. v. 43.

De Tertio.

Restat Cautela, quæ tribus absolvitur Regulis, ut sunt

I. *Ad Christum tende.* Id docent nos Jairus & hæmorrhousa exemplo suo, qui rectâ ad Christum properant, qui haec tenuis multa signa in ægrotis fecerat, tanquam ad magistrum salvationum, ut appellatur, Esa. 63. v. 2.

Idem & nos faciamus.

Paganis tot Deos coluerunt, ut Plinius scribat: Major cœlitum populus, quam hominum: idèò multi fuerunt, qui singulis diebus alium Deum invocarent, ut si unus fortè non juvaret, alter succurreret. Verum ut Di vani erant, sic & auxilium erat vanum, quod cœci illi homines se apud illos inventurum putarunt, sicut Hecuba apud Euripidem eos signavos opitulatores vocare non dubitavit. In Scripturâ ex contemtu vocantur Gelulim stercora, 1. Reg. 15. v. 12. Elilim vani, Levit. 10. v. 4. Tzirim, errores, qui conscientia tranquillare non possint, Esa. 45. v. 16.

In Papatu sancti demortui invocantur, quorum quatuordecim constituerunt, ad quos tanquam ad sacram anchoram confugiunt, neglecto Deo, qui tamen operatur salutem in medio terræ, Psalm. 74. v. 12.

Multi ad sagas & ineantatrices confundunt, & ab ipsis benedictionem, omnibus herbis & medicamentis salubriorem expectant, Sir. 38. v. 4.

Alii iniquo animo ferunt crucem, maxime si diutius illa duret, cum Turno dicentes:

- - - Vos o mihi manes
Este boni, quoniam Superis avertsa
voluntas.

Hoc merito improbandum, adeoque fungendum est. Potius veri Christiani ad eum le recipiant, præ cujus multitudine fortitudinis & roboris, virtutisque ejus, neque unum deficit, Esa. 40. v. 26. qui & adeò benevolus est, ut nullum ad se venientem ejiciat foras, Joh. 6. v. 37.

Nul-